

Na osnovu člana 23. Zakona o ministarstvima i drugim organima uprave Tuzlanskog kantona („Službene novine Tuzlanskog kantona“, broj: 17/00, 3/01, 12/03, 10/05, 3/08, 8/11, 15/13 i 15/17) i člana 4. stav (2) Odluke o utvrđivanju uslova, kriterija i postupka za dodjelu sredstava sa budžetske pozicije „Ministarstvo privrede“ - 31010001 ekonomski kod 614100 - "Tekući transferi drugim nivoima vlasti" za podršku jedinicama lokalne samouprave u pripremi projekata javno-privatnog partnerstva, broj: 03/1-14-20158/18 od 23.08.2018. godine, na koju je Vlada Tuzlanskog kantona dala saglasnost Odlukom broj: 02/1-14-20158-1/18 od 31.08.2018. godine, Ministarstvo privrede Tuzlanskog kantona, raspisuje

JAVNI POZIV
za odabir korisnika grant sredstava "Tekući transferi drugim nivoima vlasti" za
podršku jedinicama lokalne samouprave u pripremi projekata javno-privatnog
partnerstva za 2018. godinu

I. PREDMET JAVNOG POZIVA

Predmet Javnog poziva je prikupljanje prijava za odabir korisnika grant sredstava, utvrđenih u Budžetu Tuzlanskog kantona za 2018. godinu, sa pozicije „Ministarstvo privrede“ - 31010001 ekonomski kod 614100 - "Tekući transferi drugim nivoima vlasti" za podršku jedinicama lokalne samouprave u pripremi projekata javno-privatnog partnerstva.

II. PROGRAM

2.1. Namjena sredstava

Nepovratna sredstva namijenjena su za podsticanje i pružanje podrške jedinicama lokalne samouprave s područja Tuzlanskog kantona (u daljm tekstu: JLS) za pripremu i implementaciju projekata od značaja po modelu javno-privatnog partnerstva (u daljem tekstu: JPP).

Sredstva su namijenjena za sufinansiranje do maksimalno 50% troškova provođenja aktivnosti na pripremi prijedloga JPP projekta iz nadležnosti JLS do kraja 2018. godine, odnosno za sufinansiranje sljedećih troškova koji će nastati do kraja 2018. godine:

- a) Naknada za članove radnog tijela za JPP projekat;
- b) Izrada projektne dokumentacije za JPP projekat, što obuhvata sljedeće:
 - i. Tehnička dokumentacija (npr. energijski pregledi, elaborati, idejna rješenja i/ili idejni projekat, i sl.);
 - ii. Studija opravdanosti za JPP;
- c) Naknada za JPP konsultanta angažiranog radi osiguravanja stručne podrške za pravilno provođenje procesa identifikacije, pripreme, ugovaranja i/ili praćenja JPP projekta.

2.2. Uslovi za dodjelu sredstava

Jedinice lokalne samouprave sa područja Tuzlanskog kantona mogu ostvariti pravo na dodjelu sredstava pod sljedećim uslovima:

- a) Identifikovali su potencijalne JPP projekte iz svoje nadležnosti i usvojili godišnje planove potencijalnih JPP projekata za 2018. godinu,
- b) Započeli su ili imaju namjeru u 2018. godini započeti proces pripreme i izrade projektne dokumentacije za identifikovane JPP projekte koji su uvršteni u godišnje planove potencijalnih JPP projekata,
- c) Iz vlastitog budžeta imaju obezbijedeno minimalno 50% sredstava potrebnih za pripremu i izradu projektne dokumentacije iz tačke b) ovog stava.

2.3. Kriteriji za bodovanje

Raspodjela sredstava će se vršiti prema kriteriju stepen vlastitog finansijskog učešća u ukupno procijenjenim troškovima pripreme prijedloga JPP projekta, kako slijedi:

- | | |
|-----------------|----------|
| - od 50% do 60% | 1 bod |
| - od 61% do 70% | 2 boda |
| - od 71% do 80% | 3 boda |
| - od 81% do 90% | 4 boda |
| - \geq 91% | 5 bodova |

2.4. Maksimalni iznos sredstava

Sredstva za predmetne namjene dodjeljivat će se korisnicima do maksimalno 50% priznatih troškova provođenja aktivnosti na pripremi prijedloga JPP projekta iz nadležnosti JLS do kraja 2018. godine, a maksimalan ukupan iznos traženih sredstava po projektu ne može biti veći od 20.000,00 KM (slovima: dvadesethiljada konvertibilnih maraka).

Maksimalan iznos traženih sredstava po namjenama:

- do 2.000,00 KM za naknade za članove radnog tijela za JPP projekat;
- do 20.000,00 KM za izradu projektne dokumentacije za JPP projekat;
- do 2.000,00 KM za naknadu za JPP konsultanta.

2.5. Način prijave i potrebna dokumentacija

Podnosilac prijave prilikom apliciranja na Javni poziv obavezno dostavlja:

- a) Prijavni obrazac (popunjen i ovjeren od strane ovlaštene osobe JLS) koji se može dobiti u Ministarstvu i putem web stranice Vlade Tuzlanskog kantona: <http://vladatk.gov.ba/>;
- b) Dokaz o raspoloživim vlastitim sredstvima za finansiranje aktivnosti pripreme prijedloga projekta (Potvrda nadležnog organa JLS za finansijske poslove o osiguranim vlastitim sredstvima, ne starije od sedam dana u odnosu na dan prijave na javni poziv) - u originalu ili ovjerenoj fotokopiji od strane nadležnih upravnih organa ili notara;
- c) Godišnji plan potencijalnih JPP projekata iz nadležnosti JLS za 2018. godinu sa pratećim Kratkim opisom predloženog projekta – kopija.
- d) Akt o usvajanju Godišnjeg plana potencijalnih JPP projekata iz nadležnosti JLS za 2018. godinu – kopija.

Podnosilac prijave obavezno popunjava sve rubrike Prijavnog obrasca, zaokružuje ponuđene opcije upita i odgovara za vjerodostojnost svih unesenih podataka.

Nepotpune, neuredne i neblagovremene prijave neće biti predmet daljeg razmatranja.

Prijave na Javni poziv će se bodovati na osnovu dostavljenog Prijavnog obrasca, uz uvid u priloženu dokumentaciju.

III. OPĆE ODREDBE

3.1. Način podnošenja prijave

Zapečaćene koverta sa popunjenim prijavnim obrascem i popratnom dokumentacijom, šalju se preporučeno ili dostavljaju lično na adresu:

Ministarstvo privrede Tuzlanskog kantona

Pisarnica Vlade TK, Rudarska broj 57, 75000 Tuzla

sa naznakom: **NE OTVARATI – prijava po javnom pozivu: Odabir korisnika grant sredstava "Tekući transferi drugim nivoima vlasti" za podršku jedinicama lokalne samouprave u pripremi projekata javno-privatnog partnerstva za 2018. godinu**

Na poleđini koverta obavezno navesti naziv – ime podnosioca prijave, adresu, kontakt telefon i ovjeriti pečatom.

3.2. Rok za dostavu prijava

Javni poziv ostaje otvoren **15 dana** od dana objavljivanja Javnog poziva u dnevnim novinama "Oslobođenje".

3.3. Način razmatranja prijava i način dodjele sredstava

- a) Postupak razmatranja prijava vrši Komisija koju imenuje ministar privrede u Vladi Tuzlanskog kantona (u daljem tekstu: Ministar).
- b) Komisija razmatra prispjele prijave u pogledu ispunjavanja uslova, vrši bodovanje prijava prema kriteriju iz Odluke i sačinjava Preliminarnu rang listu korisnika sredstava sa pozicije "Tekući transferi drugim nivoima vlasti" za podršku jedinicama lokalne samouprave u pripremi projekata javno-privatnog partnerstva za 2018. godinu, i Listu podnosilaca čije su prijave neblagovremene, nepotpune i neosnovane. Liste se objavljuju na web stranici Vlade Tuzlanskog kantona: <http://vladatk.gov.ba/>.
- c) Na objavljene liste svi podnosioci prijava imaju pravo prigovora u roku od osam dana od dana objavljivanja na web stranici Vlade Tuzlanskog kantona.
- d) Prigovor se podnosi Ministarstvu u pisanoj formi, o kojem odlučuje Ministar u roku od osam dana od dana isteka roka za podnošenje prigovora.
- e) Nakon isteka roka za prigovor i nakon rješavanja po uložnim prigovorima Ministar donosi Konačnu rang listu korisnika sredstava sa pozicije "Tekući transferi drugim nivoima vlasti" za podršku jedinicama lokalne samouprave u pripremi projekata javno-privatnog partnerstva za 2018. godinu, koja se objavljuje na web stranici Vlade Tuzlanskog kantona: <http://vladatk.gov.ba/>
- f) Na osnovu Konačne rang liste korisnika sredstava Ministar donosi pojedinačne odluke o odobravanju sredstava korisnicima, na koje saglasnost daje Vlada Tuzlanskog kantona.
- g) Sa odabranim korisnicima Ministarstvo potpisuje pojedinačne ugovore.
- h) Na osnovu pojedinačnih odluka i ugovora doznačavaju se sredstva na transakcijski račun korisnika.

IV. OSTALE ODREDBE

Na web stranici Vlade Tuzlanskog Kantona: <http://vladatk.kim.ba/Vlada/> bit će objavljen:

- a) JAVNI POZIV za odabir korisnika grant sredstava „Tekući transferi drugim nivoima vlasti“ za 2018. g.
- b) ODLUKA o utvrđivanju uslova, kriterija i postupka za dodjelu sredstava,
- c) PRIJAVNI OBRAZAC.

Format izvještaja će biti dostupan korisnicima u Ministarstvu privrede Tuzlanskog kantona.

Napomena

- U postupku javnog oglašavanja Ministarstvo privrede Tuzlanskog kantona ne snosi nikakve troškove učesnicima na Javnom pozivu, te zadržava pravo da poništi Javni poziv.
- Prispjela dokumentacija neće se vraćati.
- U slučaju nedostatka sredstava u Budžetu Kantona obustavlja se realizacija dodjele sredstava u potpunosti ili djelimično, srazmjerno nedostajućim sredstvima.
- Sve dodatne informacije vezane za Javni poziv mogu se dobiti svakim radnim danom na brojeve telefona: 035/369-435, 035/369-327 i 035/369-353.

MINISTARSTVO PRIVREDE TUZLANSKOG KANTONA